

O'ZBEKISTON RESPUBLIKASI OLIY TA'LIM, FAN VA  
INNOVATSIYALAR VAZIRLIGI

ANDIJON DAVLAT UNIVERSITETI

«Tasdiqlayman»

Andijon davlat universiteti  
rektori A. S. Yuldashev



2023 y.

ILMIY-TEXNIK KENGASH

**N I Z O M I**

ANDIJON-2023

## **I. Umumiy qoidalar**

1. Andijon davlat universitetining (keyingi o'rinlarda - universitet) Ilmiy-texnik kengashi (keyingi o'rinlarda - ITK) va uning tarkibi universitet rektorining buyrug'i bilan tashkil etilib, tasdiqlanadi.

2. ITK o'z faoliyatini O'zbekiston Respublikasining qonunlari, O'zbekiston Respublikasi Prezidentining farmon va qarorlari, O'zbekiston Respublikasi Vazirlar Mahkamasining qarorlari va farmoyishlarida belgilangan vazifalar, O'zbekiston Respublikasi Oliy ta'lim, fan va innovatsiyalar vazirligining buyruqlari, universitet rektorining buyruqlari, shuningdek mazkur Nizom asosida olib boradi.

3. ITK tarkibiga universitetda olib borilayotgan ilmiy-tadqiqot ishlarining asosiy ilmiy yo'nalishlarini ta'minlovchi yetakchi professor-o'qituvchilar va olimlar kiradi.

ITK tarkibiga O'zR Fanlar Akademiyasining ilmiy-tadqiqot institutlari va boshqa oliy o'quv yurtlari olimlari, tarmoq ilmiy-tekshirish institutlarining ilmiy xodimlari, ishlab chiqarish korxonalari rahbarlari va yetakchi mutaxassislari ham kirishi mumkin.

4. Universitet rektori - ITK raisi hisoblanadi.

5. ITK raisi:

- ITK faoliyatini tashkil etadi;
- ITK qarorlarining bajarilishini doimiy nazorat qiladi;
- ITK qarorlarining bajarilishi to'g'risida ITK a'zolariga ma'lumot beradi;

6. ITK raisi o'rinbosari etib ilmiy ishlar va innovatsiyalar bo'yicha prorektor, ITK ilmiy kotibi etib ilmiy tadqiqotlar, innovatsiyalar va ilmiy-pedagogik kadrlar tayyorlash bo'limi boshlig'i tayinlanadi.

7. ITK o'z faoliyati bo'yicha yilda bir marta hisobot tayyorlab, belgilangan tartibda Universitet Kengashiga taqdim etadi.

8. ITK Davlat tilida ish yuritadi. ITK o'z faoliyatini yuritish davomida rus tilini amaliyotda qo'llashi mumkin.

## **II. ITK vazifalari**

9. ITK vazifalari quyidagilardan iborat:

- universitet kafedralari tomonidan amalga oshirilayotgan ilmiy-tadqiqot va ilmiy-uslubiy ishlarni muvofiqlashtirib boradi;
- universitet fakultetlari hamda kafedralarining yillik hisobotlarini eshitadi, muhokama qiladi va ular yuzasidan tegishli qaror qabul qiladi;
- Davlat budjetidan hamda universitetning budjetdan tashqari mablag'lari hisobidan moliyalashtirilishi rejalashtirilgan fundamental, amaliy va innovatsion loyihalari bo'yicha Oliy ta'lim, fan va innovatsiyalar vazirligi hamda chet el jamg'armalari, tarmoq vazirliklari va korxonalar tomonidan e'lon qilingan tanlovlar talablariga to'g'ri keladigan loyihalarni o'rganib chiqadi, muhokama qiladi, tavsiya va xulosalar beradi;
- Davlat budjetidan hamda universitetning budjetdan tashqari mablag'lari hisobidan moliyalashtirilayotgan fundamental, amaliy va innovation loyihalar hamda xo'jalik shartnomalari asosida bajarilayotgan ilmiy-tadqiqot ishlarining yarim yillik, yillik hisobotlarini muhokama qiladi, istiqbolli rejalarni ko'rib chiqadi va tegishli qarorlar qabul qiladi;
- Universitetda e'lon qilinadigan loyihalar tanlovini, loyihalarni saralash ishlarini tashkil qilish va g'olib deb topilgan fundamental, amaliy, innovatsion va startap loyihalarni universitetning budjetdan tashqari mablag'lari hisobidan moliyalashtirilishi bo'yicha qaror qabul qiladi;
- Universitetning budjetdan tashqari mablag'lari hisobidan moliyalashtirilgan fundamental, amaliy, innovatsion va startap loyihalarni yarim yillik, yillik hisobotlarini muhokama qiladi va tegishli qarorlar qabul qiladi;
- yil yakuni bo'yicha fakultetlar, kafedralar, markazlar va laboratoriyalar ilmiy faoliyatining yillik hisobotlarini tinglaydi, muhokama qiladi, ular haqida xulosa beradi hamda keyingi yilda ilmiy izlanishlar sifatini oshirish yo'llarini belgilaydi;
- xalqaro va respublika miqyosida o'tkaziladigan ilmiy anjumanlar, seminar va simpoziumlar tashkil etish bo'yicha yillik va istiqbolli rejalarni ko'rib chiqadi, Universitet Kengashiga takliflar beradi;
- kafedralar bilan ishlab chiqarish korxonalari o'rtasidagi innovatsion korporativ hamkorlikni ta'minlashda hamda iqtisodiy samara beradigan innovatsion loyihalar natijalarini amaliyotga joriy qilish bo'yicha ilmiy-uslubiy tavsiyalar beradi;
- jahon standartlari talablari doirasida nazariy yoki amaliy ilmiy-texnik ahamiyatga molik natijalarga erishayotgan, Scopus, Web of Science, Springer va shu



kabi axborot bazalariga kiritilgan jurnallarda maqolalar chop etgan professor-o'qituvchilar, doktorantlar va yosh olimlarni va ilmiy faoliyatda ilg'or kafedralar faoliyatlarini rag'batlantirish bo'yicha Universitet Kengashiga takliflar beradi;

- o'z faoliyati doirasida yechimi topilmagan tashkiliy va dolzarb ilmiy-texnik muammolarni Universitet Kengashiga muhokama uchun olib chiqadi;

- Davlat mukofoti hamda xalqaro va respublika miqyosida beriladigan boshqa mukofotlarga taqdim etiladigan ilmiy-tadqiqot ishlarini ko'rib chiqadi, tanlaydi va tavsiya qiladi;

- fundamental, amaliy va innovatsion ilmiy-tadqiqot ishlarining natijalari asosida yaratilgan va Universitet Kengashida tasdiqlangan o'quv-uslubiy, dasturiy, ko'rgazmali materiallarni, yangi pedagogik va axborot texnologiyalarini o'quv jarayoniga joriy etish bo'yicha tavsiyalar beradi;

- oliy malakali ilmiy-pedagog kadrlar (tayanch doktorant (PhD) va doktorant (DSc)) tayyorlash bo'yicha tegishli bo'lim va fakultetlar ilmiy kengashlari hisobotini tinglaydi, oliy malakali ilmiy-pedagog kadrlar tayyorlashning istiqbolli rejasini muhokama qiladi, tegishli tavsiyalar beradi va tasdiqlaydi;

- zamonaviy ilmiy laboratoriyalar, ilmiy markazlar va kichik korxonalar, ijodiy jamoalar va qo'shma korxonalarni tashkil etish bo'yicha takliflarni ko'rib chiqadi va tavsiyalar beradi;

- Respublika va xorijiy davlatlarda o'tkaziladigan ko'rgazma hamda ko'rik tanlovlarida qatnashish uchun istiqbolli ishlanmalarni tanlaydi va tanlovga tavsiya etadi;

- kafedralar, ilmiy bo'linmalar, ilmiy markazlar, ilmiy-tadqiqot laboratoriyalari va ilmiy guruhlarining hisobotlarini tinglaydi, ularning tashkiliy tuzilmalarini takomillashtirish, faoliyat samaradorligini oshirish masalalari bo'yicha Universitet Kengashiga takliflar beradi;

- Universitet reyting ko'rsatkichlarini yaxshilash bo'yicha takliflar kiritib boradi.

### **III. ITK a'zolarining huquq va majburiyatlari**

10. ITK a'zolari quyidagi huquqlarga ega:

- ITK majlislari kun tartibidagi masalalar muhokamasida ishtirok etish va qaror qabul qilishda qatnashish;

- ITK raisi tomonidan tuziladigan ishchi guruhlarda faoliyat olib borish;
- o'ziga topshirilgan vazifalar va topshiriqlarni bajarish yuzasidan kelib chiqadigan muammolar va natijalar bo'yicha ITK rahbariyatiga murojaat etish;
- ITK faoliyatining samaradorligini yaxshilash yuzasidan takliflar kiritish.

#### 11. ITK a'zolarining majburiyatlari:

- Nizomga rioya qilish;
- majlislarda ishtirok etish;
- o'rnatilgan tartibda hisobot berish;
- ITK qarorlari va topshiriqlarini belgilangan muddatlarda sifatli bajarish.

### **IV. ITK faoliyatini boshqarish**

12. Ilmiy-texnik kengashining yillik ish rejalari ITK majlisida ko'rib chiqiladi va ITK raisi yoki rais o'rinbosari tomonidan tasdiqlanadi. ITK tasdiqlangan reja asosida faoliyatini tashkil etadi.

13. ITK majlislarini kengash raisi yoki rais o'rinbosari olib boradi. Majlis bo'yicha bayonnoma va qarorlar rasmiylashtiriladi hamda ITK raisi yoki rais o'rinbosari va ma'sul kotib tomonidan imzolanadi.

14. ITK tarkibiga hamda ish rejasiga o'zgartirishlar va qo'shimchalar kiritish ITK qarori bilan qabul qilinadi va rektorning buyrug'i bilan tasdiqlanadi.

### **V. ITK majlislarini o'tkazish tartibi**

15. ITK majlislari har chorakda bir martadan kam bo'lmagan holda va zarurat bo'lganda navbatdan tashqari holatda o'tkaziladi.

16. ITK raisi yoki uning o'rinbosari tomonidan kun tartibidagi masalalarning mohiyati va yo'nalishini e'tiborga olib, qarorlar loyihasini tayyorlash uchun ITK a'zolaridan iborat guruh tuzadi.

17. Ilmiy kotib, majlis bo'lib o'tadigan kundan bir hafta oldin, ITK a'zolariga majlis o'tkazilishini ma'lum qiladi, ko'riladigan masalalar va ma'ruzachilar ko'rsatilgan majlis kun tartibi hamda majlis qarorlari loyihasini ITK a'zolariga taqdim etadi.

18. Majlisda qatnashgan ITK a'zolari qayd varaqasiga binoan hisobga olinadi.
19. ITK majlisining kun tartibidagi masalalar bo'yicha qarorlari majlisda ishtirok etayotgan ITK a'zolarining 3 dan 2 qismidan kam bo'lmagan ovoz berilgan taqdirdagina qabul qilingan hisoblanadi.
20. ITK majlisiga qo'yiladigan masalalar, yillik rejani va yechilishi lozim bo'lgan dolzarb ishlarni inobatga olgan holda, puxta tayyorlangan bo'lishi lozim.
21. Majlis kun tartibidagi masalalar yuzasidan mas'ul ijrochilar biriktirilgan va aniq muddatlar ko'rsatilgan qarorlar qabul qiladi.
22. ITK majlisi qarori majlisda ishtirok etayotgan ITK a'zolarining ochiq yoki yopiq ovoz berish yo'li bilan qabul qilinadi.
23. ITK majlisida kun tartibidagi biror masala bo'yicha qaror loyihasi 19-bandga binoan qabul qilinmasa, mazkur masala navbatdagi yoki keyingi boshqa majlislarda ko'rib chiqiladi.
24. ITK majlisi bayonnomasi hamda qarorlari rais yoki uning o'rinbosari va ilmiy kotib tomonidan imzolanadi.
25. Ilmiy kotib tomonidan, ish yuritish tartibiga binoan, ITK majlisi qaroridan ko'chirmalar mas'ul ijrochilarga beriladi va bajarilish monitoringi olib boriladi.

## **VI. ITK faoliyatini baholash va tugatish**

26. ITK faoliyati yilda bir marotaba Universitet Kengashida muhokamaga qo'yiladi va natijalari yuzasidan tegishli qaror qabul qilinadi.
27. ITK faoliyatini tugatish Universitet Kengashi qarori asosida rektorning buyrug'i bilan amalga oshiriladi.



«Tasdiqlayman»

Andijon davlat universiteti  
rektor A.S. Yuldashev



2023 y.

**ANDIJON DAVLAT UNIVERSITETI**  
**ILMIY-TEXNIK KENGASHI**  
**TARKIBI**

<b>№</b>	<b>F.I.SH.</b>	<b>Ish joyi va lavozimi</b>
1.	Yuldashev Akramjon	Rektor, b.f.d., prof., <b>Kengash raisi</b>
2.	Karimjanov Iqboljon	Ilmiy ishlar va innovatsiyalar bo'yicha prorektor, <b>Kengash raisi o'rinbosari</b>
3.	Jaynaqov Mirzoxid	Ilmiy tadqiqotlar, innovatsiyalar va ilmiy-pedagogik kadrlar tayyorlash bo'limi boshlig'i, <b>Kengash kotibi</b>
4.	Musayev Qobiljon	Ilmiy-innovatsion ishlanmalarni tijoratlashtirish bo'limi boshlig'i
5.	Soliyev Lutfullo	Reja-moliya bo'limi boshlig'i
<b><i>Aniq va tabiiy fanlar bo'yicha Kengash a'zolari</i></b>		
6.	Aliev Rayimjon	Fizika kafedrası professori, a'zo
7.	Axmedov Odiljon	Mexanika-matematika kafedrası mudiri, a'zo
8.	Abdullayev Obidjon	Kimyo kafedrası dotsenti, a'zo
9.	Tadjibayev G'ayrat	Kompyuter injiniringi kafedrası mudiri, a'zo
<b><i>Gumanitar fanlar bo'yicha Kengash a'zolari</i></b>		
6.	Kuranov Dilmurat	O'zbek adabiyotshunosligi kafedrası professori, a'zo
7.	Yuldasheva Farida	Falsafa kafedrası mudiri, a'zo
8.	Shamsitdinov Ravshanbek	O'zbekiston tarixi kafedrası dotsenti, a'zo
9.	Maraimova Umida	Iqtisod kafedrası mudiri, a'zo
10.	Yunusova Manzura	Fuqarolik jamiyati kafedrası mudiri, a'zo
11.	Shokirova Charosxon	Pedagogika va san'atshunoslik fakulteti dekani, a'zo